



«Харцсапан лай»

Чубузчу малхе а хьобжуш, ойланашка а ваьлла, лаьттара Аслан. Ша-тайпа хаза, исбаьхьа яра тахана суьйре. Малх а бара, эхь хеттачу стеган юьхь санна, цийбелла, богуш. Тахана санна, Iаламан терго йина вацара иза хIокху тIаьххьарчу масийтта шарахь. Ватсап юкъяяьлчахьана, ерриге а хан цунна дIаелла, Iаш вара иза. Нанас кIантах «харцсапан лай», – олура. Аслан нанас аьллагунна кхин башха оьглаз ца вьодура. Цуьнан, оьглазвахана, Iен а хан яцара, иштта а, ватсап чохь массарна а жьопаш дала кхууьш вацара иза. Шайна жоп ца делча, ватсап чуьра нах реза ца хуьлура кхунна, цара бежк боккхура: «Хьо тхььца гергарло дезаш вац?» – олий.

Олхазарийн эшарша мукъаваьккхира Аслан ойланийн йийсарера.

Тахана цкъа а ца хиллачу кепара сахьийзаш, даьхни дайна бежлу санна, дласауьдуш лелара иза. Интернетан зле дlаяларх боккха сингаттам хиллера цунна. Аслан дас-нанас, бераллехь дуьйна цхьа а хlума ца оьшуьйтуш, кхиййна вара. Тилпо юкъаяьлча, уггар хьалха иза а ийцира цара цунна. Тилпо эцча дуьйна, нисса бlостанехьа хийцаделира цуьнан дахар. Де а, буйса а ца лоруш тилпо тle пlелг хьоькхуш хуьлура клант. Тилпо бен цунна гуш хlума дацара. Хан йоццучу хенахь арахь кхерсташ ца лелчхьана, дас-нанас хlума ца олура кланте. Аслан хlинцалерачу дахаран стаг вара.

Буйса юккъе яхча, схьаеара интернетан зле. Цунах чоlгlа самукъадаьллера цуьнан, хlунда аьлча, цо сахиллалц бан безаш «болх» бара. Ватсап чохь шега мел дайитинчу хаттарна жоп дала дезара цуьнан. Кхуьнан накъостий дукха бара, хlара санна, керлачу заманан нах.

Ватсап чохь орца даьккхинера Асланан накъосташа, кхунна хlун хилла ца хууш, шайн сагатдаларна. «Жоп хlунда ца ло ахь? Тхобгара хlун даьлла?..» – бохуш, хоьттура цара массара а.

– Суна хlумма а ца хилла, са ма гатде, – бохуш, цхьа а ца къастош, жоппаш делира Аслана шен накъосташна. Кхуьнан жоп шайга дlакхаьчний хоуьйтуш, хlорамма а, хазахетар гойтуш йолу «смайликаш» яхкийтира. Уьш орцахбовлар Асланна тайнера. «Со-м оьшуш хилла, со-м оьшуш хилла!» – бохуш, ша ца хезаш цхьаъ висарна кхоьруш санна, мохь беттара цо... набаро ша лаццалц.

Аслана цкъацкъа нанна ватсапан дика агlонаш юьйцура: хьаьнцца а къамел дан йиш ю, суьрташ дlадахийта йиш ю... Нана шега ладуглуш йоций хиъча, гlеххьа оьглаз а воьдий, юха а шен «болх» бан волалора иза.

Кlентан тилпоца долчу гергарлонна ша резайоций хоуьйтуш, Забилата олура: «Зle дlаяьлла виса хьo!»». Цул тlаьхьа ша а елалора, керла сардам lамийна ас, – олий. Нанас дуьйцург Аслана, коьртан хье ойла ян болабалале, дицдора. Шен бехкенна, коьртан хьега къахьоьгуьйтур долуш вацара иза.

Забилат, дахаро озабезам бина яцахь а, халонаша клел ца йитира. Хаъал хилчхьана, къахьега lамийна яра иза. Жимчохь дуьйна клантана дахаран халонаш ца йовзийтарна, ша бехке хетара цунна. Цхьаъ бен ца хиларна, белхан чам ца бовзуьйтуш, кхийинера цо

иза. Амма тахана тлаъхъа дара клентан амал хийца...

Члогла бертахъ доьзал бара кхеран. Амма, цхъаьнан блаьрг хилча санна, цлеххъана гучуяьллачу цамгаро бакъдуьненчу длавигира Забилатан хлусамда. Алхаст кхелхичхъана, цамгаро лаьцна яра иза. Амма, чохъ а, арахъ а дан дезачунна бло-м ца къажабора цо, могошалла хьалха санна яцахъ а.

Луьйранна шаьшшинна юуург а кечйна, клант самаваларе хьобжуш, кхачанах ца кхеташ, лаш яра Забилат. Сахиллалц наб ян йиш ца хилла Аслан, делкъехъ бен набаран йийсарера ца велира. Кхачанах кхета волалучу кланта элира:

– Нана, дадин маьхчин зуда длаяьлла.

– Хьуна мичара хаьа иза? – хьаттира Забилата, кланта аьллагучу цецъяьлла... Иштта забарш ян жима а ву хьо! – аьлла, аз хийцира цо. Шек а воцуш, ненан дешнаш ца хезаш санна, чай молуш лаш вара Аслан. Юха а хьаттира Забилата:

– Хьо набарха валанза ву, ва клант, айхъа дуьйцучуьнан ойла йой ахъа?

Чай чохъ долу куршка кхин дла ца хьоцуш, нанна резавоцуш, Аслана жоп делира:

– Вайн гергарчеран ватсап чохъ тоба ю тхан, массо а кадам беш вара, со а дла вистхилла. Клант дешнаша деглера глора дла а даьккхина, ладийча санна, лаьттара Забилат. Жимма ша меттаеача:

– Дала гечдойла цунна, ма дика адам дара иза! – элира, блаьргех даьлла хи дла а доккхуш, Забилата.

Цул тлаъхъа:

– Тезета муха глур яра-техъа, могошалла а яц гена некъ бан, хлун дийр дара-техъа? – бохуш, ша-шега хаттарш дан елира иза...

– Нана, – элира, тилпо кегош волчу кланта.

– Ас санна, ватсап чохъ кадам бан ца мега ахъ?

– Хьо дла а гуш, къамел дан йиш ю хьуна ватсап чохъ.

– Хаза а хир яра со, тилпо чохъ кадам беш! – элира Забилата, блаьргех лена хиш дла а дохуш.

– Эх! маржа я! Ма хийцаелла зама, ма яйна тлаъхъе ю-кха хинца ерг, – аьлла, елхаран къурдаш дира цо.

Забилат ехха лийра, ша-шега хаттарш деш, кланта аьллагучунна жоп ца луш. Эххар а, кхин шен дан хлума ца хилча, резахилира иза. Кадам а бина, шена тлера бехк длабаларна йоккхаечу Забилата элира:

– «Харцсап-м» дика хлума хилла.

– Ас дуьйцучунга ахъ ла-м ца дуглур, – бохуш, тилпо чохъ цхъаь язъеш воллур Аслан.

Тилпо чохъ кадам дуьххъара бинера Забилата, цунна хала дара тезетан ладат хийца.

Кегийчеран хлун бехк бу, со а иштта хилча?! – аьлла, басана хийцаелира иза. Нахана длахезча а эхъ ма ду хлара-м. Машенахъ йигийта ца мегара ас со? Ас динарг!.. И хаттарш, хлора элп къастош, юх-юха дора цо ша-шега. Ша динчо, деана вуон а дицдинера цунна.

РАСУМОВ ВАХА

Автор: Administrator

28.08.2019 07:38 - Обновлено 28.08.2019 07:41

«Иштта, бехказлонаш а лъхуш, дайдо-кх вай деана вуон, хийрадоккху гергарло. Тилпоний буй-те бехк? Я адам Iесадаьлла-те?» – бохуш, ойланаша хьийзош, ехха Iийра иза луларчу Маржана шен маьхьарца ойланаш къахкаялалц.

Орга 7. 2019. Эл.кеп